

giorno, si atrova in uno loco nominato Biagrasa, et certo è che non ha portato danari secho, et se dice certissimo che è venuto per levar gente de questo exercito per condurle in Franza, per amor de quelli desturbi da la parte de là. Hoggi è venuto per secura de la Geradada 300 cavalli ducheschi per guardar questi lochi, et aziò le victuarie possino andare a Trezo per mandarle poi a Milano. El signor Zanin di Medici questa matina è venuto con 1000 fanti et 400 cavalli a levar el signor Archon, et cussi lo ha levato et conduto alla volta de Milano.

37 *A dì 10.* La matina se intese, come il temporal di pioza è gran vento e lampi havia questa notte a hore 5 dato ne la capella granda di san Domenego di Castello una saita, et ha ruinato la capella granda, et

Di sier Lunardo Emo provedador zeneral, da Varola Gisa fo lettere, di 8, hore 4 di note. Come inimici erano a san Martin et sevano un ponte per passar Ada. Et che il signor Renzo era zonto con loro e il signor Theodoro Triulzi, si dice con fanti 3000, ma con effecto non sono 2 milia, di quali 800 erano venuti nel nostro campo per non haver hauto danari. Et il Proveditor mandò a dir al signor marchexe di Mantoa, che se lui li voleva li desse soldo, si non li manderia fuori del territorio brexan. Il qual Marchexe era a Pontevigo, et diceva voler andar in Cremona a pagare quelli fanti.

Da poi disnar fo Pregadi, chiamato apostà per far li oratori a la Cesarea Maestà et a l'Archiducha suo fradello. Et lete le lettere, fo tolto il scurtinio di do oratori, *ut supra*.

Fu posto, per tutto il Collegio, una gratia di sier Francesco Surian, qu. sier Andrea, suspender li soi debiti l'ha con la Signoria per anni do; la qual fu posta uno altro Consejo et non have il numero de le ballote. Ozi fu presa. 154, 32, 3.

Scurtinio di do Oratori a la Cesarea et Catholica Maestà, iusta la parte presa.

Sier Gabriel Venier fo avogador di comun, qu. sier Domenego . . .	99. 85
R † Sier Alvise Bon el dotor, l'avogador di comun, qu. sier Michiel. . .	128. 60
Sier Francesco Minio fo auditor e sìnico di terra ferma, qu. sier Bortolo.	50.143
Sier Cristofal Capello fo di Pregadi, qu. sier Francesco el cavalier. . .	41.149

Sier Zuan Baxadonna el dotor, fo di Pregadi, di sier Andrea	106. 88
Sier Marco Antonio Michiel, di sier Vitor	42.149
Sier Carlo Contarini, di sier Panfilo . . .	101. 87
Sier Andrea Loredan, qu. sier Bernardino	52.138
† Sier Andrea Navaier, qu. sier Bernardino	126. 69
Sier Andrea di Prioli el dotor, fo camerlengo di comun, qu. sier Piero	97. 90
Sier Marco Gradenigo el dotor, fo di Pregadi, qu. sier Bortolo	65.129
Sier Hironimo Polani el dotor, fo di Pregadi, qu. sier Giacomo	103. 93
Sier Francesco Morexini el dotor, qu. sier Gabriel	75.114
Sier Lorenzo di Prioli, qu. sier Alvixe.	114. 74
Sier Nicolò da Ponte el dotor, fo di Pregadi, di sier Antonio	71.126
Sier Tomà Donado, fo di Pregadi, qu. sier Nicolò	82.110
Sier Justinian Contarini è di Pregadi, qu. sier Zorzi el cavalier . . .	95. 92

Et stridati li do oratori rimasti, sier Alvixe Bon el dotor, l'avogador, andò a la Signoria et refudoe tal legatione. Et zà era stà tolto il scurtinio di oratori a lo illustrissimo archiducha di Austria, tolti numero 14, e fo terminato far prima orator a l'Imperador in locho dil prefato sier Alvise Bon refudò, et fu mandato a tuor il scurtinio, et perchè vene lettere di campo, non fo balotà l'ambassador a l'Archiducha.

Scurtinio di Orator a la Cesarea et Catholica Maestà, in luogo di sier Alvise Bon el dotor, ha refudado.

Sier Zustignan Contarini è di Pregadi, qu. sier Zorzi el cavalier, conte dil Zafò . . .	94. 93
Sier Andrea Loredan, qu. sier Bernardino.	54.143
Sier Tomà Donado fo di Pregadi, qu. sier Nicolò	78.113
Sier Nicolò Da Ponte el dotor, fo di Pregadi, di sier Antonio, lector in philosophia	86.113